

永樂大典

卷八七三 僧字

卷二九二九 宋字

卷二九三〇 宋字

# 永樂大典卷之八千七百八十三

十九庚

僧 孫錄諸僧五

法天宋會要開寶七年法天姓利地利適通三藏與其兄達理摩摩又多西印度僧尼囉喃中印度僧尼沒馱計哩帝等四人同造中國惟法天與其兄得達餘皆歿於路元一統志鄜州法天者本中天竺摩伽陀國僧也唐自元和後不復譯經江南始用兵之歲法天來至鄜州與河中梵學僧法進共譯經義始出無量壽尊勝二經七佛贊法進援筆綴文知州事王龜從潤色之遣法天同法進獻經闕下宋太祖召見慰勞賜以紫方袍法天請遊名山許之

光信魏泰東軒筆錄慶曆中和世衛守青開城時有悟空寺僧光信者落魄耽酒邊人謂之王和尚多往來元昊蕃部中世衛嘗厚給酒肉善遇之一日用之以間元昊左箱將野利遇乞而殺之後得歸改名萬仕終左藏庫副使

德琳建昌府志太平興國禪寺德琳禪師姓倪氏閩人也道行峭潔知解

碑俊任顯源院南唐李氏嘗賜以袍與太平興國中以年號改院額太宗  
皇帝復因武寧節度岐國公之薦詔以棋袍賜之有語要二編行于世史  
館殿丞錢熙為之序金州觀察判和州錢儼為塔銘石刻存焉  
遇賢蘇州府志遇賢姓林氏東禪院僧飲酒無筭鄉人目曰林酒仙口中  
可容雙拳間有異事每出人群聚觀之能自圖其形無毫釐不肖好吟詩  
語雖俗而有理致有云楊子江頭浪最深行人到此盡沉吟他時若遇無  
波處還似有波時用心門前綠樹無啼鳥庭下蒼苔有落花聊與東風論  
箇事十分春色屬誰家心閒增道氣忍事敵災屯謹言終少禍節儉勝求  
人如此類甚多不具錄今其真身塑於院中元一統志遇賢宋建隆初來  
居長洲縣之明覺禪院嘗以酒肉自縱酒家或遇其飲則售酒數倍於他  
日人稱為酒仙能語人禍福多驗以符治病必痊創佛舍用錢數百萬雖  
稱丐於人而不知其所自來

行雲江少虞類苑陳洪進與張漢恩為劉從勅左右將有沙門行雲者若  
狂人自福州來洪進供僧有禮行雲語洪進曰汝當為此山河王不出此  
歲我且歸長樂秋後至此時建隆二年也春從勅卒子紹錡典留務至  
秋洪進經紹錡將召越人執送金陵漢恩為留後為副使漢恩老且懦洪

進實專郡政行雲果來謂洪進曰。凡世報前定。但人有千錢之祿。不可以圖之。况將相之位。豈能力取。今留公多疑人。前後誅殺甚衆。王者不死。豈能害君哉。當須坦然任運。他日善終。臚下。子孫蕃盛。尚懷疑殺人。象不善之報。鮮克令終矣。洪進後廢漢思。幽于別墅。諸子屢勸除之。終不許。漢思竟以壽終。行雲禿首而不衣僧服。嘗服紫皂揆衫。束帶懸銀魚。為飾。館於州。解十餘年。忽謂人曰。陳氏當有五侯之象。去此五年。後有戎馬十萬衆。前歌後舞。入此城。喜而不怒。未知何故也。懇求出舍外宅。洪進次子文顯。牧漳州。將歸寧。行雲曰。吾不及見矣。遂沐浴浴右腦而逝。語館人曰。過三月。乃得棺。斂。明日。文顯至。垂哭之。行雲遽起坐。執手談至暮。乃入城。衆人疑所管二州。何以容五侯。當克取汀建。以自益耳。後洪進來朝。獻其地。改鎮徐州。文顯通州圍。練使。文顯。文顯。文項三人。並授諸州刺史。是為五侯。王師入城。垂囊作茄鼓為樂。恚如其言。洪進感行雲之言。帥衆十六年。未嘗妄殺人有犯極刑。而情可恕者。多貸其死。

覺稱揚內翰。談苑大中祥符初。有西域僧覺稱。來館於傳法院。其僧通四十餘本經論。年始四十餘。丁謂延見之。嘉其敏惠。遣人送至余處。與譯問。未設茶果。問之。譯云。入此國。見屠殺猪羊。懸肉市肆。甚不忍觀。見此方人。

心頗惡彼西土。或一國人不食肉。予問能留此土否。覺稱云。願至五臺謁文殊。即還。乃心思戀本國。不樂居此。因索紙以竹筆作梵書。橫行數十字。請淨公譯云。稽首摧伏。諸魔力。我智者。本名覺稱。出家至今十九臘。俱胝偈。句義能說。後復作聖德頌。以上文理甚質。上問其所欲。但求金襴袈裟。歸置金剛坐而已。詔尚方造以給之。覺稱自言。酷蘭左國人。刹帝利性。善畫。於譯堂北壁畫譯迎面。與此方絕異。

道隆。潮州府志。道隆不知何許人。余襄公靖作永興華嚴院記云。潮州海陽人。俗姓黃氏。得心印於汝州璉禪師。至和初遊京師。容景德寺。宋仁宗夢黃龍蟠地。明日召至便殿。問宗旨。隆奏對詳允。上悅。有旨館于大相國寺。燒朱院。王公貴人爭願先見。未幾廬外屨滿矣。康定元年。京師左街永興華嚴禪院始賜重陽。繼賜大乘頌。師即箋註進呈。上覽之大悅。特賜紫方袍。賜號圓明大師。頻入化成殿。果座說法。前後賜御書衣膳不一。尋以聖藻宸朝溢於居室。因創閣以藏。亦不敢褻。慢賜琉璃瓦覆之。并賜御飛帛書。頌曰。龍奎之閣。後出水陸畫像五百軸。以賜師。造堂為供設之所。再蒙御飛帛書。賜名洪濟之殿。宣中使押左右街僧道威儀。教坊班樂。輦卒衛兵奉迎。至院加賜明悟大師。自宋朝以來。以緇素見上者。趨丹墀瞻觴。

辰則有之。至若對萬乘并高座。談性相之實。指佛祖之心。使人主敬信之。深無如師之比者。吁佛氏之言。尤為近理歟。

光度寺道者。撫州府志。道者誦妙法。連華經。蚤夜不輟。有老叟來言。譚陂神七郎君。願輟俄頃。容假道。且當圖報。道者如其言。是夕雷雨大作。平明棟梁椽桷。堆疊寺基。五萬山木。伐迹畢現。譚陂廟名七郎君。其神也。之萬山在縣南十里。後道者順寂。立塔于寺。祥符中塔生七蓮華。上其事。改名

華藏。

演公。元一統志。演公。俗姓白。巴州恩陽人。本土族。與趙清獻公為禪友。

智緣。宋史。方技傳。智緣。隨州人。善醫。嘉祐末。召至京師。舍于相國。每察脉。知人貴賤。禍福。休咎。診父之脉。而能道其子吉凶。所言皆驗。士大夫爭造之。王珪與王安石在翰林時。珪疑古無此。安石曰。昔醫診晉侯。而知其良臣將死。天良臣之命。乃見於其君之脉。則視父知子。亦何足怪哉。熙寧中。王韶謀取青唐。上言。蕃族重僧。而結兵。叱臘主部。張甚衆。請智緣與俱。至邊。神宗召見。賜白金。遣乘傳而西。遂稱經略大師。智緣有辨口。徑入蕃中。說結吳叱臘歸化。而他族。俞龍珂禹藏。訥令支等。皆因此輸款。韶頗忌惡之言。其撓邊事。召還。以為右街首座。卒。魏泰東軒筆錄。僧智緣。嘗以醫

術供奉仁宗英宗熙寧中朝廷取青唐武勝緣遂目執政上言乞往部廓  
見董璽說令納地

志言宋史方技傳

志言自言姓許壽春人落髮東京景德寺七俱胝院

事清遂初遂誦經勤苦志言忍遣遂跪前願為弟子遂見其相貌奇古直  
視不瞬心異之為授具戒然動止軒昂語失無度多行市里褻裳疾趨舉  
指畫空佇立良久時從屠酷遊飲啗無所擇褻以為狂遂獨曰此異人也  
人有欲為齋施輒先知以至不召款門指名取供温州人林仲方自其家  
以厚衲來獻舟始及岸遽來取去仁宗每延入禁中徑登坐結趺飯畢遽  
出未嘗揖也王公士庶召即赴然莫與交一言者或陰卜休咎書紙揮翰  
甚疾字體道壯初不可曉其後多驗仁宗春秋漸高嗣未立默遣內侍至  
言所言所書有十三即人莫測何謂後英宗以濮王第十三子入繼統始  
悟太宗守節請書言不顧逼之得潤州字未幾守節夢贈丹陽郡王見寺  
童義懷撫其背曰德山臨濟懷既落髮住天衣說法大為學者所宗其前  
知多類此普淨院施浴夜漏初盡門扉未啓方迎佛而浴室有人聲往視  
之則言在焉有具齋薦繪者并食之臨流而吐化為小鮮群泳而去海客  
遇風且沒見僧操絙引船而濟客至都下遇言忍謂之曰非我汝奈何客

記其貌真引舟者也。與曹州士趙崇善。後崇棄官隱居番禺。人傳崇與言。數以偈頌相寄。萬里間。輒數日而達。崇死。亦盛夏身不壞。言將死。作頌不可曉已。而曰。我從古始。成就逃多國。王。今南國矣。仁宗遣內侍以真身塑像置寺中。榜曰。顯化禪師。其後善厚者。禮之。見顯上。熒然有光。就視之。得舍利。

懷丙來吏方技傳。懷丙真定人。巧思出天性。非學所能至也。真定構木為浮圖十三級。勢尤孤絕。既久。而中級大柱壞。欲西北傾。他匠莫能為。懷丙度短長。別作柱。命衆工維而上。已而却衆工。以一介自從。閉戶良久。易柱下。不聞斧鑿聲。趙州汶河鑿石為橋。塔鐵貫其中。自唐以來。相傳數百年。大水不能壞。歲久。鄉民多盜鑿鐵橋。遂欹倒。計千夫不能正。懷丙不役衆工。以術正之。使復故河中府浮梁。用鐵牛八維之一牛。且數萬斤。後水暴漲。絕梁。牽牛沒于河。募能出之者。懷丙以二大舟實土。夾牛維之。用大木為樞。衡狀鈞。牛徐去其土。舟浮牛出。轉運使張燾以聞。賜紫衣。尋卒。惟漫與地紀勝。賴州府僧惟浚。福唐人。住州之崇慶院。有禪行。能詩。黃太史嘗贈之詩云。擘開華岳三峯手。參得浮山九帶禪之句。東坡亦與之唱和。作真贊。東坡集道與之貌。天與之形。雖同乎人。而實無情。彼真法。



隱何殊丹青日照月明雷動風行夫孰非幻忽然而成此畫清隱可謂兩晴  
智賢赤城志智賢寧海人慶曆間遊錢塘傳智顛教又事明靜師儒佛皆  
得趣後歸崇教寺卒

處嚴温州府志處嚴樂清人賈氏子明慶僧博涉經籍善屬文凡諸寺碑  
碣每屬處嚴為之而行業甚高有潛湖集見于世梅溪王十朋母萬氏有  
娠產之夕夢處嚴采蔥以金環夢覺而師計音至翌日王公生人皆謂嚴  
後身嚴舊書石橋寺碑王公初僉判紹興道經石橋寺僧先一夕夢遊嚴  
閣黎翌日公至寺僧異其夢因以告有詩云人喚我為嚴首座前身曾駕  
石橋碑甄龍友和公雙峰詩云詩老前身法號嚴蓋用此事宋王十朋梅  
溪集潛湖嚴閣梨塔銘師諱處嚴字伯威姓賈氏温州樂清人也父靖  
居鄉以長者稱母萬方娠一夕夢黑龍自天躍而下俄化為道人入其家  
及產師有異相幼警悟不允經史過目輒成誦舅東平先生規邑之名儒  
也試以對隨口應答大奇之必長忽不如葦母強之卒不從一日游精舍  
歸白其母曰兒蔬食居俗非所宜願出家學佛惟夫人割愛遂往里之明  
慶院禮僧知性為師既落髮受具游歷郡刹初學律未幾習天台教觀恍  
然歎曰吾邦僻在海隅見聞不廣遂之錢塘依南屏臻公聽天台大部明

法華諸經時學者尚編錄務相詰難師聽法罷端然默坐同輩問之發明  
師說了無遺誤因謂之曰文字分別馳騁法相吾不能為遂遠游禪林訪  
先輩老宿叩擊玄旨師志節高學識超邁杖錫所至道眼相契為多會有  
以座首命之者師曰吾宅心名利外莫道遠自適評能為人役耶於是西  
游帝都觀伊洛南周旋江淮間凡名山水叢林巨刹靡不至時道潛思聰  
二僧與東坡居士游聲名籍甚咸與師善數以為章往來師博學詩文尤  
典重且工書有晉宋法或勸以所作謁縉紳求知己師笑曰古之桑門上  
首與士大夫游非求之也道自合焉爾故終身不以一字干謁識者高之  
元祐間還永嘉寓淨光大雲開元諸寺其徒翕然歸之扣門請益者屢相  
躡也師訓以本業外復以詩書子史導之凡經指授者咸見頭角時開元  
建護國天王殿命師作記文辭雄偉太守范公見之稱歎良久命刻石行  
于世元符初歸故山誅茆結廬偕除蓄派自號潛澗賦詩鼓琴以自娛有  
古入林下風師有辭辯長於講擇鄉里巨室欲屈師講經莫能致因具法  
筵集廣衆預設巍座俟師至與衆迫之師匆遽就席闡揚真旨緣飾以文  
音吐鴻亮聽者驚悅明慶自創建幾七百年無文蹟可攷師首為撰記并  
書之時稱二絕郡守張公平聞其名以禮致之躬受悟嚴大義初以僧正

命師又命主禪席皆力辭之。每詣府事，徒一筮，未嘗肩輿。人以師為府座所厚，因屬以事。師正色峻拒，府政有不便於民者，委曲以告，守政容聽之。瑞安令呂公勤自號湖海道人，邂逅師，喜甚，與俱還邑。築庵於廳治後園，命師居焉，留三宿而去。邑令丁公湛每訪師談道，終日忘返。晚景絕人事，惟精脩淨業。喜誦楞嚴圓覺，維摩光明法華等經，精熟如流。靜夜孤坐，焚香暗誦琅琅之聲，出于林表。嘗手書法華光明二經，以報母德。又書華嚴經八十卷，首末不懈。字法益工。弟子宗要游學姑蘇，俄以書督其歸。未幾，師得疾遽終。政和壬辰正月二十日也。享年五十四。僧臘三十九。至三月，闍維，得舍利數百顆，明瑩如珠。明年九月，植塔於故廬之後，以遺骨并舍利葬焉。師於佛學無不通曉，尤深於禪。而接物以教，故以闍梨著。生平製述甚多，彙隨毀失。圖寂後，弟子收拾遺文，編成三卷。人有得其片紙，皆寶藏之。其文翰見重於人如此。弟子宗要師號寶印，傳天台教。住永嘉之妙果，克世其業。法孫德純，亦傳法于郡之龍翔。某大母氏，師之同母姊也。寶印師，蓋某之叔父。師歿之歲，而某始生。自兒時，徐聞德名，恨不追見。今四十餘載矣。始獲以叔父之命，銘師塔，不敢以鄙陋辭。銘曰：師之道，儒律禪教，咸臻其要。師之技，歌詩文翰，咸極其致。師之節，公脚大夫，不屈而

謁師之訓子傳教觀孫傳心印。師之廬。左琴右書。山高澗迥。師之塔。明珠  
遺骨千古不滅。

文祐。吳縣志。文祐。贛州信豐縣僧。文祐本姓吳。落髮出游。結庵於贛縣。岷  
嶺久而去之。客零都妙淨寺之僧伽院。遂主院事。故因目為吳僧伽。佯狂  
市塵人莫能測。每日必詣松林。以杖扣之而歌曰。趙家天子趙家王。不曉  
其意。逢善人于塗。輒拱揖致敬。貪暴不仁者。率抵以狗彘。不少屈。惡少年  
不樂。至群輩譟逐之。嘗走于某家園竹中。疾呼求救。見拊其竹曰。大大竹  
林成掃帚。不旬決萬竹悉枯。此家固一凶族。自是衰替。寺後竹叢一竿最  
巨。忽夜半。遭其下。考擊而歌聲徹四遠。連夕如是。他僧為之廢寢。怒而伐  
之。既而紫芝。徑尺生屨上。邑民曾德恭。老無子。與妻議飯吳以祈。未及召。  
且而排闥。來曾大驚。謹饋之食。將去曰。當何為報。唯有二珠而已。果連生  
二子。縣市舊集于南洲。而縣地外但曠野。吳過門必言曰。錢將平腰矣。及  
洲沒於水。市遂徙于邑門之陽。嘗求菜于民婦。戒使多為具。婦許諾。夫歸  
怒其妄費。吳至。乞醢。主啖之。若欲報而強食者。再三。婦曰。食飽則已。何必  
盡曰。欲免如夫婦。貴言耳。民駭謝。學佛者。孫德俊。往汀州。武平。謁慶嚴。定  
應師。曰。掌川自有佛。禮我何為。孫曰。佛為誰。曰。吾法弟僧伽也。為吾持一

扇寄之舟檝岸。吳已至。曰我師寄扇何在。孫以汀扇數十雜示之。徑取本物而去。由是在名曰滅多。稱為生佛。一夕過詣同寺。諸刹門鋪坐具。作禮曰。珍重珍重。皆寂無應者。中夕跌坐而逝。時大中祥符己酉六月六日也。是日邑大商在蜀。遇之於河梁。問吳僧何往。病倏急。趨曰。少幹少幹。商歸乃知其亡。其亡也。異香滿室。數日不變。僉議勿火化而壘。其全體事之。元豐乙丑冬。亡僧未郡城。訪桂安牙家。求木作龕。桂曰。師為何人。曰。李都妙淨寺明覺院吳僧也。桂許之。送之踰闕。遂不見。後乃審其故。云。明覺即僧伽也。真身至今存。興地紀勝。贛州府雩都之明覺寺。宋初有吳僧伽事甚異。人以為生佛。祥符中。忽示寂。而同日邑民作商于蜀。乃遇之於蜀云。

自順陝西洋州志。興道縣人。姓雍氏。受業本縣。開化院。弱冠南游。嘗師佛印禪師。元住南康雲居。師為侍者。一日元與東坡游某寺。讀某碑。師執拂在旁。歸坡問左右能記憶所讀碑否。師獨誦十七坡奇之。因問何名。曰自順坡。曰逆則煩惱順則菩提。自是一經品題。叢林盛稱。為順菩提。晚歸鄉。結庵名寶光院。孝時雍以善提書其榜云。

惠洪瑞陽志。寶覺圓明大師德洪。一名惠洪。字覺範。號冷齋。俗姓彭。新昌人。年十三出家。依三峯龍禪師。為童子。年十九試經於東京寺。得度落髮。

受且足戒。聽宣秘律師講華嚴經。一旦不樂歸事真淨禪師七年。盡得其道。禪學超詣。釋注金剛楞嚴圓覺法華四經。博通儒書。尤工於詩。名動京輦。與陳了翁黃山谷游。山谷贈以詩。稱其韻勝不減秦少。觀氣爽絕。類徐師川。韓子蒼。宰分寧。慧洪從高安來。館之雲巖寺。寺僧三百。各持一幅紙。求詩於洪。洪握筆立就。子蒼見之不懌。曰。詩當少加思。豈若是易易乎。洪笑曰。取快吾意而已。子蒼與別十年。覽其遺編。追記平生。不覺頰淚。慧洪詩多奇句。如已收一霎桂龍雨。忽起千巖撼鵠風。屢句妙於天下。白高才俊似海東青文。如水行川氣。若春在花。皆古人未嘗道也。年五十八卒於南安。軍子蒼為銘。其塔有合論易傳。僧寶傳。智證傳。法王武庫林間錄。天廚禁臠。冷齋夜話。甘露集。石門文字禪注。十明論。證道歌。行於世。九江府志。惠洪高安人。以文如水行川氣。若春在花。得名。入江西詩派。住廬山竹林。有讀淵明祠碑云。武王既伐紂。乃不立微子。雖有去惡仁。終失存商義。夷齊不肯臣。甘作首陽死。下視莽操輩。欺孤奪幼雅。汗赤亦戴天。特向兩眉耳。桓玄弄兵權。劉裕竊神器。先生於此時。抽身良有以。袖手歸去來。雙眼飽山翠。追懷聖人清。太虛絕塵滓。長恨千載心。絕絃掩流水。與君讀此碑。相視一笑耳。晚歸高安。有寄故山詩云。風葉鳴榔夜色晴。隔雲徹月稍

分明下簾。陸覺衣裳薄拂。獨空驚枕。草清病眼。得扶。還少。睡。共心於世。似多情。何時却作廬山去。度水穿雲。取火行時。又有道潛與曾。學蘇軾兄弟。唐和有廬山雜興。其一云。高巖吐奇雲。倏忽起千丈。援筆欲名貌。卷縮非一狀。飛仙或遨遊。隱隱出其上。驚颺忽吹滅。轉眄惟音嶂。山中勝事多。彼俗誰能亮。太平府志。慮洪以能詩名。蘇軾黃庭堅諸公與進之。嘗與李之儀自金陵過姑溪賦云。東坡坐中醉。客讓君翰墨。風流竟作羊曇折。意暮年波眼山丘。又云。月下一聲漁笛。得前萬頃雲濤。玉堂他年圖畫。卧看今日漁舸。它詩甚多。今錄其在當塗所賦云。吳洞五總志。覺範雖以詩名。而荒唐不學。世無其比。未易一二舉也。如四更自寶公塔還。合妙齋。疲卧松下石上。其詩云。露眠不管牛羊踐。我是人間無事僧。初不知牛羊下來為底時節。而用於四更事中。以吾法議之。當斷不應為從重。能改齋漫錄。洪覺範本名德洪。俗姓彭。筠州人。始在峽州。以醫劉養娘識。張天覺大觀四年八月。覺範入京。而天覺已為右揆。因劉得祠部一道。為僧叔。文因彭儿在郭天信家作門客。遂識天信。因往來於張郭二公之間。政和元年。張郭得罪。而覺範次眷杖二十。刺配朱崖軍牢城。後改名慮洪。韓駒陵陽集。叙音尊者答銘。建炎二年五月甲戌。寂音尊者寶覺圓明大師。歿於南康。

單同安寺。門人智俱等崇石為塔。葬之寺北五里。卒事。智俱來武寧。求余銘。眷年不去。曰：先師之志也。乃序而銘之。師初名惠洪。字覺範。姓喻氏。高安人。少孤。受學辯博。能緝文。性簡亮。年十四出家。依三峯禪師。十九試經。東都落髮。受具。聽宣祕律師講華嚴經。一旦不樂。歸事真淨克文禪師。七年。盡得其道。始自放於湖湘之間。荊州張丞相聞其名。請傳法於峽州天寧寺。師以二詩辭焉。已而杖策謁公。公見之喜。曰：令世融拳也。給事中朱彥知撫州。以師住持北景德寺。久之謝去。住持江寧府清涼寺。坐為狂僧。誣告抵罪。張丞相當國。復度為僧。易名德洪。數延入府中。與論佛法。有詔賜號賢覺。圍明。一時權貴人爭致之門下。執弟子禮。且將住持黃龍山矣。會丞相去位。制獄窮治蹤迹。尚書郎趙賜等皆坐貶官。師竄海南島上。三年。遇赦。自便名。猶在刑部。雖毀形壞服。律身嚴甚。所至長老避席。莫敢亢禮。其同門友希祖居谷山。反其嗣法。在諸山者皆迎師居。文室學者歸之。是時法禁與黨人游。而師多所厚善。誦習其文。重得罪。不悔。為張丞相及郭陳元盡其力。其在東都也。咸諫道人尚交通權貴耶。師笑謂人曰：是安知吾意。大臣庶知之。故及於難。及靖康初。大除黨禁。談者謂師前日違衆趨義。妻瀕於死。既還。僧藉。宜有以寵異之。語聞執政。欲上其事。屬多故。不



果明年師歿。志迄不伸。世以為恨。壽五十八臘三十九。著論數萬言。皆有以佐世。園悟克勤禪師嘗曰。筆端有大辯才。不可及也。至他文皆俊偉。不類浮圖語。始黃太史見其所作竹尊者詩。手為書之。以故名顯。既老。自號寂音尊者。予識師久。嘗戒之使遠禍。師赫然曰。行吾志爾。矧吾法中本無死生禍福高矣。郵子言。予心不善之。口弗能屈也。銘曰。維古高僧廣學。多聞。在秦融筆。傳法以文。後皆昧陋。佛法變理。師獨著書。至老益勤。維古高僧。名士並游。在晉安深。徐許質倚。後皆伏匿。釋儒相仇。師獨友賢。雖遠必求。好文致憎。友賢招怨。曾是不虞。數蹈大難。維師之言。世既多有。剗其行事。以告永久。

文捷江少虞類苑吳僧文捷戒律精苦奇迹甚多能知宿命然罕與人言予群從為知判語知杭州禮為上客愚嘗學誦揭帝咒都未有入知捷一日相見曰舍人誦呪何故闕一句既而思其所誦果少一句浙人多言文通不壽一日齋心往問捷捷曰公更三年為翰林學士壽四十歲後當為地下職任事權不減生時與揚樂道待判聯曹然公此時嘗衣練經視事文通聞之大駭曰數十日前夢揚樂道相遇云受命與公同職事所居甚樂慎勿辭也後數年果為學士而丁母喪年三十九矣明年秋文捷忽使